

樂府雅詞
卷下



樂府雅詞卷下

陳去非 十八首

蘇養直 二十三首

李蕭遠 十四首

呂居仁 十九首

毛澤民 十二首

會公袞 九首

李景元 八首

向伯恭 十四首

謝無逸 二十二首

樂府雅詞

目錄

朱希真 十九首

沈會宗 十六首

陳子高 三十六首

趙子發 十首

曹元寵 三十一首

魏夫人 十首

李易安 二十三首



樂府雅詞卷下

陳去非

案陳與義字去非號簡齋洛陽人有簡齋集十六卷無住詞一卷

世傳頃年都下市肆中有道人攜烏衣椎髻女子買斗酒獨飲女子歌詞以侑凡九闕皆非人世語或記之問一道士道士驚曰此赤城韓夫

人所製水府蔡真君法駕導引也烏衣女子疑龍云得其三而亡其六擬作三闕

朝元路朝元路同駕玉華君千乘載花紅一色人間遙指是祥雲回望海光新

東風起東風起海上百花搖十八風鬟雲半動飛花

樂府雅詞

卷下

和雨著輕綃歸路碧迢迢

簾漠漠簾漠漠天澹一簾秋自洗玉舟斟白醴月華微映是空舟歌罷海西流

虞美人

亭下桃花盛開作長短句詠之

十年花底承朝露看到江南樹洛陽城裏又東風未必桃花得似舊時紅燕脂睡起春纔好應恨人空老心情雖在只吟詩白髮劉郎孤負可憐枝

雙荷葉

五移舟明山下作

魚龍舞湘君欲下瀟湘浦瀟湘浦興亡離合亂波平楚獨無樽酒酬端午移舟來聽明山雨明山雨白

頭孤客洞庭懷古

臨江仙

高詠楚詞酬午日。天涯節序忒忒。榴花不似舞裙紅。
無人知此意。歌罷滿簾風。萬事一身傷老矣。戎葵
疑笑墻東。酒盃深淺去年同。試澆橋下水。今夕到湘
中。

虞美人

大光祿席醉
中賦長短句

張帆欲去仍搔首。更醉君家酒。吟詩日日待春風。及
至桃花開後卻匆匆。歌聲頻為行人咽。記著樽前
雪。明朝酒醒大江流。滿載一船離恨向衡州。

樂府雅詞

卷下
陳去非

二

又

耶子友
會上

超然堂上閑賓主。不受人間暑。水壺圍坐此間無。卻
有一瓶和露玉芙蓉。亭亭風骨涼生牖。消盡樽中
酒。酒闌踏一作月轉城西。照見紗巾藜杖帶香歸。

又

子甲寅歲自春官出守湖州秋杪道中荷
花無復存者乙卯歲自鎮闔以病得請奉
祠卜居青墩鎮立秋後三日行舟之前後
如明霞相映望之不斷也以長短句記之

扁舟三日秋塘路。平度荷花去。病夫因病得來遊。更
值滿川微雨洗新秋。去年長恨拏舟晚。空見殘荷
滿。今年何以報君恩。一路繁花相送到青墩。

點絳脣

寒食今年紫陽山下蠻江左。竹籬煙鎖。何處來新火。
不解鄉音只怕人嫌我。愁無那。短歌誰和。風動梨
花朵。

漁家傲

福建道中

今日山頭雲欲舉。青蛟素鳳移時舞。行到石橋聞細
雨。聽還住。風吹卻過溪西去。我欲尋詩寬久旅。桃
花落盡春無所。渺渺籃輿穿翠楚。悠然處。高林忽送
黃鸝語。

浣溪沙

離杭日梁仲謀惠酒極清而美七月十二日晚臥小閣已而月上獨酌數盃

樂府雅詞

卷下 陳去非

三

送了棲鴉復暮鐘。闌干生影曲屏東。臥看孤鶴駕天
風。起寫一樽明月下。秋空如水酒如虹。謫仙已去
與誰同。

木蘭花

青墩僧合作

山人本合居巖嶺。聊問支郎分半境。殘年藜杖與綸
巾。八尺庭中時弄影。呼兒汲水添茶鼎。甘勝吳山
山下井。一甌清露一爐雲。偏覺平生今日永。

清平樂

黃衫相倚。翠葆層層底。八月江南風日美。弄影山腰
水尾。楚人未識孤妍。離騷遺恨千年。無住菴中新

事一枝喚起幽禪

楚人一作三閩

定風波

重陽

九日登臨有故常。隨晴隨雨一傳觴。多病題詩無好句。孤負黃花。今日十分黃。記得眉山文翰老。曾道四時佳節是重陽。江海滿前懷古意。誰會闌干三撫獨凄凉。

菩薩蠻

荷花

南軒面對芙蓉浦。宜風宜月還宜雨。紅少綠多時。簾前光景奇。繩床烏木几。盡日繁香裏。睡起一篇新。與花爲主人。

樂府雅詞

南歌子

塔院僧閣

矯矯千年鶴。茫茫萬里風。闌干三面看秋空。背插浮屠千尺冷煙中。林塢村村暗。谿流處處通。此間何似玉霄峰。遙望蓬萊依約晚雲東。

臨江仙

夜登小閣憶洛中舊遊

憶昔午橋橋上飲。坐中多是豪英。長溝流月去無聲。杏花疎影裏。吹笛到天明。二十餘年如一夢。此身雖在堪驚。閒登小閣看新晴。古今多少事。漁唱起三更。

無作詞作

南三聲

卷下 陳去非

蘇養直

案蘇庠字養直丹陽人有後湖詞一卷

臨江仙

席上贈張建康

本是白蘋洲。畔客虎符臥鎮江城。歸來猶得趁鷗盟。
柳絲搖曉市。杜若遍芳汀。莫惜飛觴仍墮幘。柳邊
依約鶯聲。水秋鱸熟正關情。只愁宣室召。未許釣船
輕。

又

獵獵風蒲初暑過。蕭然庭戶秋清。野航渡口帶煙橫。
晚山千萬疊。別鶴兩三聲。秋水芙蓉聊蕩漿。一樽
同破愁城。蓼花灘上白鷗明。暮雲連極浦。急雨暗長
江。

樂府雅詞

卷下蘇養直

五

如夢令

雪中作

疊嶂曉埋煙雨。忽作飛花無數。整整復斜斜。來伴南
枝清苦。日暮日暮。何許雲林煙樹。

虞美人

大俞仲登韻

軍書未息梅仍破。穿市溪流過。病來無處不關情。
一
夜鳴榔急雨。雜灘聲。飄零無復還山夢。雲屋春寒
重。山連積水水連空。溪上青蒲短短柳重重。

浣溪沙

書虞元翁書

水榭風微玉枕涼。牙床角簟藕花香。野塘煙雨罩鴛

鶯。紅蓼渡頭青嶂遠。綠蘋波上白鷗雙。淋浪淡墨
水雲鄉。

謁金門

懷故
居作

何處所。門外冷雲堆浦。竹裏江梅寒未吐。茅屋疎疎
雨。誰遣愁來如許。小立野塘官渡。手種凌霄今在
否。柳浪迷煙渚。

又大葉莊懷

張元孺作

楊柳渡。醉著青鞋歸去。點點鷗波何處所。十里菰蒲
雨。抖擻向來塵土。臥看碧山雲度。寄語故時猿鶴
侶。未見心先許。

樂府雅詞

卷下

蘇養直

六

鷓鴣天

楓落河梁野水秋。澹煙衰草接郊邱。醉眠小塢黃茅
店。夢倚高城赤葉樓。天杳杳。路悠悠。鈿箏歌扇等
閒休。灞橋楊柳年年恨。鴛浦芙蓉葉葉愁。

又

過湖陰席
上贈妓

梅妬晨粧雪如輕。遠山依約學眉青。樽前無復歌金
縷。夢覺空餘月滿林。魚與雁。兩浮沉。淺顰微笑總
關心。相思恰似江南柳。一夜春風一夜深。

又

秋入蒹葭小鴈行。參差飛墮水雲鄉。直須銀甲供春

笋且滴糟牀覆羽觴。風壓幕。月侵廊。江南江北夜
茫茫。懸知上馬啼鷓鴣。夢一夜驚飛寶鴨香。

訴衷情

漁父家風醉
中贈韋道士

杖頭挑得布囊行。活計有誰爭。不肯侯家五鼎碧澗
一盃羹。谿上月嶺頭雲。不勞耕。甕中春色枕上華
胥便是長生。

案張元幹以訴衷情令改名漁父家
風與訴衷情不同故原本註明題上

又

倦投林樾當誅茅。鴻鴈響寒郊。溪上晚來楊柳月露
洗煙稍。霜後渚。水分槽。尚平橋。客牀歸夢何必江
南門接雲濤。

樂府雅詞

卷下
蘇養直

七

阮郎歸

西園風暖落花時。綠陰鶯亂啼。倚闌無語惜芳菲。紫
飛蝴蝶飛。緣底事。減腰圍。遣愁愁著眉。波連春渚
暮天垂。燕歸人未歸。

點絳脣

冰勒輕颺。綠痕初漲。迴塘水。柳洲煙際。白鷺翹沙背。
筠笠青蓑未減。貂蟬貴。雲濤裏。醉眠蓬底。不屬人
間世。

菩薩蠻

宜興
作

北風振野雲平屋。寒溪浙浙流水谷。落日送歸鴻。夕

嵐千萬重。荒坡垂斗柄。直北鄉山近。何必苦言歸。
石亭春滿枝。

又自宜興還
西岡作

園林寂寂春歸去。濛濛柳下飛香絮。野水接雲橫綠。
煙啼曉鶯。江南鷓鴣夢。山色朝來重。小艇小灣頭。
蘋花蘋葉洲。

又 吾在西岡兼
懷後湖作

短船誰泊蒹葭渚。夜深遠火明漁浦。卻憶槿花籬春。
聲穿竹溪。雲山如昨好。人自垂垂老。心事有誰知。
月明霜滿枝。

樂府雅詞

卷下
蘇養直

八

又周彥達
舟中作

眼中疊疊煙中樹。晚雲點點翻荷雨。鷗泛渚邊煙綠。
蒲秋滿川。未成江海去。聊作林塘主。客恨闊無津。
風斜白氎巾。

又

年時憶著花前醉。而今花落人憔悴。麥浪卷晴川。杜
鵑聲可憐。有書無雁寄。初夏槐風細。家在落霞邊。
愁逢江月圓。

又禮陽
莊

照溪梅雪和煙墮。寒林漠漠愁煙鎖。客恨沙無海鷗。

來人憶家。遠山疑帶雨。一線雲間語。霜月又嬋娟。
江南若箇邊。

又

春波濼濼浮春渚。綠陰一徑風兼雨。又作去年時。綠
深垂蔓籬。故山歸興動。江北江南夢。白髮故相欺。
星星如有期。

木蘭花

江雲疊疊遮鴛浦。江水無情流薄暮。歸帆初張葦邊
風客夢不禁篷背雨。諸花不解畱人住。只作深愁
無盡處。白沙煙樹有無中。鴈落滄洲何處所。

樂府雅詞

卷下
蘇養直

九

清平樂

詠岩桂

斷崖流水香度青林底。元配騷人蘭與芷。不數春風
桃李。淮南叢桂小山詩。翁合得攀翻身到十洲三
島心遊萬壑千巖。

李蕭遠

案李昶字蕭遠

減字木蘭花

梨花院宇。澹月微雲初過雨。一枕輕寒。夢入西瑤小
道山。花深人靜。簾鎖御香清晝永。紅藥欄干。玉案
春風窈窕間。

點絳脣

樓下清歌。水流歌斷春風暮。夢雲煙樹。依約江南路。
碧水黃沙。夢到尋梅處。花無數。問花無語。明月隨
人去。

青玉案

樂府雅詞

卷下
李蕭遠

十

綠瑣窗紗明月透。正清夢、鶯啼柳碧。井銀瓶、鳴玉甃。
翔鸞粧樣。粲花衫繡。分付春風手。喜入秋波嬌欲
溜。脈脈青山兩眉秀。玉枕春寒郎知否。歸來畱取御
香襟袖。同飲醪醕酒。

鵲橋仙

春陰淡淡。春波渺渺。簾捲花梢香霧。小舟誰在落梅
村。正夢繞清溪煙雨。碧山學士。雲房嬌小。須要五
湖同去。桃花流水。鱖魚肥。恰趁得江天佳處。

阮郎歸

校書學士小蓬山。新參玉筍班。買花歸去五湖間。浣

花龍尾灣

南歌子

嫋嫋秋風起。蕭蕭敗葉聲。岳陽樓上聽哀箏。樓下淒涼江月爲誰明。霧雨沈雲夢。煙波渺洞庭。可憐無處問湘靈。只有無情江水繞孤城。

醉桃源

春風碧水滿郎湖。水清梅影疎。渡江桃葉酒家壚。鬢鬢雲樣梳。吹玉蘂。飲瓊腴。不須紅袖扶。少年隨意數花鬢。老來心已無。

樂府雅詞

卷下
李蕭遠

十一

探梅早春亭。踰鳳栖嶺。至三山閣。折花而歸。用歐公朝中措腔。作照江梅詞。寄任蘊明。蘊明嘗許緣檄載侍兒見過。又于漢籍伎有目成者。因以爲戲。

郎官湖上探春迴。初見照江梅。過盡竹溪流。水無人知道。花開。佳人何處。江南夢遠。殊未歸來。喚取小叢教看。隔江煙雨樓臺。

西江月

拾翠亭前水滿。郎官湖上春迴。儀龍新碾試瓊盃。更覺春江有味。拄杖行穿翠篠。吹花醉繞江梅。故園

心事老相催。此意陶潛能會。

又

雲觀三山清露長。生萬鬣青松。瓊瑤珠珥下秋空。一笑滿天鸞鳳。霧鬢新梳紺綠。霞衣舊佩柔紅。更邀豪俊馭南風。此意平生飛動。

如夢令

春水湖塘深處。竹暗沙洲無路。閒伴落花來。卻信東風歸去。且住且住。細看兩山煙雨。

又

不見玉人清曉。長歎一聲雲杪。碧水滿闌塘。竹外一

樂府雅詞

卷下
李蕭遠

十一

枝風裊。奇妙奇妙。半夜山空月皎。

水龍吟

郎官湖

碧山橫繞清湖。茂林秀麓波光裏。南宮老大。西洲漂蕩。危亭重倚。步雨行雲。飢風飲霧。平生遊戲。笑此中空洞。都無一物有神妙。浩然氣。掃盡雲南夢。北看三江。五湖秋水。狂歌兩解。清樽一舉。超然千里。江漢蒼茫。故人何處。山川良是。待白蘋露下。青天月上。約騎鯨起。

浪淘沙

拍手趁西風。驚起乘龍。青山綠水古今同。惟有一輪

山上月長照江中一點落金鐘
渾似虛空道人不住有雲峯
但是人家清酒甕行處相逢

樂府雅詞

卷下
李蕭遠

十三

五言古詩
身入秦西蜀
已盡周金

湖者余乘車以過
空野人入

呂居仁

案呂本中字居仁金華人有東萊集二十一

采桑子

恨君不似江樓月南北東西南北東西只有相隨無別離恨君卻似江樓月暫滿還虧暫滿還虧待得團團是幾時

又

亂紅天綠風吹盡小市疎樓細雨輕鷗總向離人恨裏收年年春好年年病妾自西遊水自東流不似殘花一樣愁

西江月

樂府雅詞

卷下 呂居仁

十四

渺渺風吹月上濛濛霧挾霜迴百年心事老相催人在夕陽落外有夢常嫌去遠無書可恨來遲一盃濁酒兩篇詩小檻黃花共醉

又熟水

酒罷悠揚醉興茶烹喚起醒魂卻嫌仙劑點甘辛衝破龍團氣韻金鼎清泉乍瀉香沉微惜芳薰玉人歌斷恨輕分歡意厭厭未盡

朝中措

病介無力傍欄干風雨送春還一枕曉來清夢無人說似西山匆匆笑語時時邂逅草草盃盤莫謂雜

花時候便忘梅蘂衝寒

南歌子

驛路侵斜月。溪橋度曉霜。短籬殘菊一枝黃。正是亂山深處過重陽。旅枕元無夢。寒更每自長。只言江左好風光。不道中原歸思轉淒涼。

虞美人

梅花自是于春嬾。不是春來晚。看伊開在衆花前。便道與春無分。結因緣。風前月下頻相就。笑我如伊瘦。幾回衝雨過疎籬。已見一番青子綴殘枝。

又

樂府雅詞

卷下
呂居仁

五

平生臭味如君少。自是君難老。似儂憔悴更誰知。只道心清不似少年時。春風也到江南路。小檻花深處。對人不是憶姚黃。實是舊時風味老難忘。

浣溪沙

暝日溫風破淺寒。短青無數簇幽欄。三年春在病中看。中酒心情渾似夢。探花時候不曾閒。幾年芳信隔秦關。

又

共飲昏昏到暮鷗。不須春日念京華。邇來沉醉是生涯。不是對君猶惜醉。只嫌春病卻憐他。願爲蜂採

落殘花

長相思

要相忘。不相忘。玉樹郎君月豔姬。幾回曾斷腸。欲下牀。卻上牀。上得牀來思舊鄉。北風吹夢長。

減字木蘭花

去年今夜。同醉月明花樹下。此夜江邊。月暗長堤柳暗船。故人同處。帶我離愁江外去。來歲花前。又是今年憶昔年。

菩薩蠻

客愁不到西池路。殘春又逐花飛去。今日傍池行。新

樂府雅詞

卷下
呂居七

十六

荷昨夜生。故人千慮繞。不道書來少。去住隔關河。長亭風雨多。

又

高樓只在斜陽裏。春風淡蕩人聲喜。攜客不嫌頻。使君如酒醇。花光人不會。月色須君醉。月色與花光。共成今夜長。

又

登樓一望南山雪。使君風味如新月。月向雪前明。主人今夜情。平生相與意。老病猶堪記。對酒爲君歡。酒盃嫌未寬。

踏莎行

雪似梅花。梅花似雪。似和不似都奇絕。惱人風味阿誰知。請君問取南樓月。記得舊時探梅時節。老來舊事無人說。爲誰醉倒。爲誰醒到。今猶恨輕離別。

清平樂

故人何處。同在江南路。百種舊愁分不去。枉被落花留住。舊愁百種。誰知除非是見伊時。最是一春多病。等閒過了。除醺。

漁家傲

小院悠悠春未遠。牡丹昨夜開猶淺。珍重使君簾盡

樂府雜詞

卷下
呂居仁

七

捲風欲轉。綠陰掩映闌干晚。記得舊時清夜短。洛陽芳訊時相伴。一朵姚黃鬢髻滿。情未展。新來衰病無人管。

生查子

殘春霧雨餘。小院黃昏後。說道覓新詞。把酒來相就。醺醺插髻雲。歲歲長如舊。不是做詞遲。卻怕添伊瘦。

毛澤民

案毛滂字澤民衢州人有東堂集十卷東堂詞一卷

水調歌頭 元會

九金增宋重八玉變秦餘。千年清浸先淨。河洛出圖書。一段昇平光景。不但五星循軌。萬點共連珠。垂衣本神聖。補袞妙工夫。朝元去。鏘環珮。冷雲襪。芝房雅奏儀鳳矯。首聽笙竽。天近黃麾仗曉。春早紅鸞扇。暝遲日上金鋪。萬歲南山色。不老對唐虞。

浣溪沙 詠梅

月樣嬋娟雪樣清。索強先占百花春。於中燭底好精神。多恨肌膚元自瘦。半殘粧粉不攸勻。十分全似

樂府雜詞

卷下

去

那人人

又 初春汎舟時北山積雪盈尺而水南梅林盛開

水北煙寒雪似梅。水南梅鬧雪千堆。月明南北兩瑤臺。雪近卻如天上坐。魂清疑向斗邊來。梅花多處載春回。

又 泛舟

銀字笙簫小小童。梁州吹過柳橋風。阿誰勸我玉盃空。小醉徑須眠錦瑟。夜歸不用簇紗籠。畫船簾捲月明中。

玉樓春 立春

小園半夜東風轉。吹破冰池雲母面。曉披闔闔見朝陽。和向碧階添幾線。小煙弄柳晴先暝。殘雪禁梅香尚淺。慙慙洗拂舊東君。多少韶華都借看。

惜分飛

富陽水寺
秋夕望月

山轉沙回江漸小。望盡冷煙衰草。夢斷瑤臺曉。楚雲何處英英好。古寺黃昏人悄悄。簾捲寒堂月到。不會思量了。素光看盡桐陰少。

又

富陽僧舍
代作別語

淚溼闌干花著露。秋到眉峯碧聚。此恨平分取。更無言語空相覷。短雨殘雲無意緒。寂寞朝朝暮暮。今

樂府雅詞

卷下

十九

毛澤民

夜山深處。斷魂分付潮回去。

西江月

縣圃
小酌

煙雨半藏楊柳。風光初到桃花。玉人細細酌流霞。醉裏將春畱下。柳畔鴛鴦作伴。花邊蝴蝶爲家。醉翁醉裏也隨他。月在柳橋花柳。

又

長安秋夜與諸
君飲分題作

雨後袂衣初冷。霜前細菊渾斑。觚稜清月繡團環。萬里長安秋晚。槽下內家玉滴盤。中江國金丸春容著。而作微殷燭影紅搖醉眼。

又

茶詞

席上芙蓉待暝。花間騷裏還嘶。勸君不醉且無歸。歸去因誰惜醉。雪點餅心未老。乳堆盞面初肥。畱連能得幾多時。兩腋清風喚起。

青玉案

新涼

芙蓉花上濛濛雨。又冷落、池塘暮。何處風來搖碧戶。捲簾凝望，淡煙疎柳，翡翠穿花去。玉京人去無由駐。忍獨在、凭闌處。試問綠窗秋到否。可人今夜，新涼一枕，無計相分付。

踏莎行

臘梅

栗玉玲瓏，雍酥浮動，芳跗染得胭脂重。風前蘭麝作

樂府能詞

卷下
毛滂

三

香寒。枝頭煙雪和春凍。蜂翅初開，蜜房香弄。佳人寒睡愁和夢。鵝黃衫子茜羅裙。風流不與江梅共。

曾公衮

案曾紉字公衮南豐人有空青遺文十卷

秋霽

木落山明莫江碧樓倚太虛寥廓素手飛觴釵頭笑
取金英滿浮桑落鬢雲漫約酒紅拂破香腮薄細細
酌簾外任教月轉畫闌角當年快意登臨異鄉節
物難禁離索故人遠凌波何在惟有殘英共寂寞愁
到斷腸無處著寄寒香與憑渠問訊佳時弄粉吹花
爲誰梳掠

念奴嬌

片帆暮落正前村梅蘂愁人如雪東陌西溪長記得

興府雅詞

卷一

曾公衮

五

疎影橫斜時節六出水姿玉人微步笑裏輕輕折蘭
房同醉暗香曾共私竊回頭萬水千山一枝重見
處離腸千結料想臨鸞消瘦損時把啼紅偷湔怎得
伊來許多幽恨共撚青梢說如今千里斷腸空對明
月

又

江城春晚正海棠臨水嫣然幽獨秀色天姿真富貴
何必金盤華屋月下無人雨中有淚絕豔仍清淑豐
肌得酒嫩紅微透輕縠曉日霧靄林深佳人春睡
思朦朦初足笑出疎籬端可厭桃李漫山麓俗啣子

飛來鴻鵠何在千里移西蜀。明朝酒醒亂紅那忍輕觸。

洞仙歌

相如當日曾奏凌雲賦。落筆縱橫妙風雨。記揚鞭輦路同醉金明窮勝賞。不管重城已暮。舊遊如夢覺。零落朋儕遺墨淋漓尚如故。况神州北望今已邱墟。傷白壁久埋黃土。但空似靈光巋然存。悵朗月清風更無元度。

臨江仙

後院短牆臨綠水。春風急管繁絃。問誰親按小嬋娟。

曾公家

五

玉堂真學士。琳館地行仙。安得此身來此處。依稀

一夢梨園。江南刺史漫垂涎。據鞍腸已斷。何況到尊前。

上林春

東里梅繁豪健放樂。醉倒花前狂客。艷粧微步。攀條弄粉。凌波遍尋青陌。暗香墮。靨更飄近。霧鬢蟬額。倒金荷念流光易失。幽姿堪惜。惜花心未甘鬢白。南枝上又見尋芳消息。舊遊回首前歡如夢。誰知等閒拋擲。稠紅亂藥。漫開遍楚江南。北獨消魂念誰寄。故園春色。

菩薩蠻

山光冷浸清溪底。溪光直到柴門裏。卧對白蘋洲。歇
眠數釣舟。溪山無限好。恨不相逢早。老病獨醒多。
如此良夜何。

謁金門

風淅瀝。簾外雪花初積。夢破小窗人寂寂。寒微無處
敵。强起飲君涓滴。清淚醉來霑臆。岐路只今多擁
隔。弟兄無信息。

品令

紋漪漲綠。疎靄連孤鷺。一年春事。柳飛輕絮。笋添新
竹。寂寞幽花獨殿小。園嫩綠。登臨未足。悵遊子歸
期促。他年清夢。千里猶到。城陰溪曲。應有凌波。時爲
故人凝目。

樂府雅詞

卷下

曾公家

三

李景元

案李甲字景元華亭人

望雲涯引

秋容

一作空

江上。岸花老。蘋洲白露濕。蒹葭浦。嶼漸增

寒色。閒漁唱晚。鷺鶩驚飛處。映遠。數點輕帆送天

際。歸客。鳳臺人散。漫回首。沉消息。素鯉無憑。樓上

暮雲凝碧。詞緯有危樓靜倚四字時向西風下。認遠笛。宋玉悲

懷。未信金樽消得。

弔嚴陵

蕙蘭香泛。孤嶼潮平。驚鷗散雪。迤邐點破澄江秋色。

暝靄向歛。疎雨乍收。染出藍峯千尺。魚舍孤煙鎖寒

磧。畫鷁翠帆。旋解輕艤。晴霞岸側。正念往悲酸。懷鄉

慘切。何處引羌笛。追惜當時。富春佳地。嚴光釣址

空遺迹。華星沉後。扁舟泛去。瀟灑閑名圖籍。離觴弔

終。一作古寓目。意斷魂。消淚滴。漸洞天晚。一作曉迴首暮

雲千里碧。

夢玉人引

夢玉人引

漸東風暖。隴梅殘。霽雲碧。嫩草柔條。又迴江城春色。

乍促銀籤。便篆香紋。蠟有餘迹。愁夢相兼。儘日高無

力。這些離恨。依然是酒醒。又如織料。伊情懷也應

向人端的。何故近日。全然無消息。問伊看伊。教人到

卷下 李景元

五

此如何休得。

過秦樓

賣酒壚邊尋芳原上亂花飛絮悠悠已蝶稀鶯散便
擬把長繩繫日無由謾道草忘憂也徒將酒解閑愁
正江南春盡行人千里頻滿汀洲有翠紅徑裏盈
盈似簇芳茵襍飲時笑時語當暖風遲景任相將永
日爛熳從一作遊誰信盛狂中有離情忽到心頭向
樽前凝問雙燕來時曾過秦樓

帝臺春

芳草碧色萋萋遍南陌暖絮亂紅也一本有似字知人春

樂府雅詞

李景元

五

愁無力憶得盈盈拾翠侶共攜賞鳳城寒食到今來
海角逢春天涯爲客愁旋釋還似織淚暗拭又偷
滴謾竝立一木無竝立二字倚遍危欄儘黃昏也只是暮雲
凝碧拚則而今已拚了忘則怎生便忘得又還問鱗
鴻試重一本有尋字消息

擊梧桐

杳杳春江濶收細雨風蹙波聲無歇雁去汀洲暖岸
蕪靜翠染遙山一抹羣鷗聚散征航來去隔水相望
楚越對此凝情久念往歲上國嬉遊時節鬪草園
林賣花巷陌觸處風光奇絕正恁濃歡裏情不意頓

有天涯離別。看那梅生翠實，柳飄狂絮，沒箇人共折。
把而今愁煩滋味，教向誰說。

慢捲綢

絕羽沉鱗埋花葬玉，杳杳悲前事。對一盞寒燈，數點
沉螢悄悄，畫屏巫山十二。薜臉星眸，蕙情蘭性，一旦
成流水。便縱有甘泉妙手，鴻都方士，何濟。香闥寶
砌臨粧處。一本無處字 迤邐苔痕翠，更不忍看伊繡殘鴛
侶。一作履 而今尚有啼紅粉，漬好夢不來，斷雲飛去，黯
黯情無際。謾飲盡香醪，奈向愁腸消遣無計。

望春回

樂府雅詞

卷下
李景元

五

齊霞散曉射，水村漸明，漁火方絕。一作滅 灘露夜潮痕，
注凍瀨，淒咽征鴻來時，應負書。一作有信 見疎柳更
憶伊同折，異鄉憔悴，那堪更逢一作附 歲窮時節。東
風暗回暖律，算坵遍江梅，消盡岩雪。唯有這愁腸，也
依舊千結。私言竊語些，一作曾 誓約便眠思夢想，無休
歇。這些離恨，除非對著說，似明月。

向伯恭

案向子諱字伯恭自號薌林臨江人有酒邊詞一卷

清平樂

詠木樨贈韓叔夏

吳頭楚尾踏破芒鞋底萬壑千岩秋色裏不奈惱人風味如今老我薌林世間百不關心獨喜愛香韓壽能來同醉花陰

鷓鴣天

紫禁煙花一萬重鰲山宮闕倚晴空玉皇端拱彤雲上人物嬉遊陸海中星轉斗駕迴龍五侯池館醉春風而今白髮三千丈愁對寒燈數點紅

虞美人

和趙正之韻時正之被召

樂府雜詞

卷下

五

淮陽堂上曾相對笑把姚黃醉十年離亂有深憂白髮蕭蕭同見渚江秋履聲細聽知何處欲上星辰去清寒初溢暮雲收更看碧天如水月如流

又

不柝隱

澄江霽月清無對曾酒何須醉人憐貧病不堪憂誰識此心如月正含秋再三勞漚方知處試向波心去迢迢空劫勿能收漫道從來天地與同流

卜算子

中秋和東坡

雨意挾風回月色兼天靜心與秋空一樣清萬象森如影何處一聲鐘令我發深省獨立滄浪忘卻歸

不覺霜華冷。

又雙原避地作

時菊碎榛業地僻柴門靜誰道村中好客稀明月和清影天地一蘧廬夢事慵思省若箇知余懶是真心已如灰冷

又

竹裏一枝梅雨洗娟娟淨疑是佳人日暮來綽約風前影新恨有誰知舊事何堪省夢遶陽臺寂寞回半被殘香冷

酒邊詞作沾袖餘香冷

阮郎歸

乙卯鄱陽道中作

樂府雅詠

卷下向伯恭

三

江南江北雪漫漫遙思易水寒同雲深處是三關斷腸山又山天可老海能翻消除此恨難頻聞遣使問平安幾時鑿輅還

滿庭芳

木犀詞約去非希箕養真同賦

月窟蟠根雲巖分種絕知不是塵凡琉璃翦葉金粟綴花繁黃菊周旋避舍友蘭蕙羞殺山礬清香遠秋風十里鼻觀已先參酒闌聽我語平生半是江北江南經行處無窮綠水青山常被此花相惱思共老結屋中間不因雨薌林底事游戲到人寰

西江月

游洞庭東西山將有天台雁蕩之行獲拜御書薌林之賜呈子發元長

去非翰林
二學士

得意穿雲度小，及時斫玉分金。茲遊了卻未來心。怪我歸遲一任。居士何如學士。翰林休笑薜蘿林。箇中真味少知音。不是清狂太甚。

更漏子

題趙伯山青白軒時
王豐父劉長因同賦

竹孤青。梅皚白。更著使君清絕。梅似竹。竹如君。須知德有隣。月同高。風同調。月底風前一笑。翻碎影。度微香。與人風味長。

浣溪沙

歲除集二老句。酒邊詞二老謂荆公東坡。

爆竹聲中一歲除。東風送暖入屠蘇。曠曠曉色上林

樂府雅詞

卷下
向伯恭

无

廬。老去怕看新曆日。退歸擬學舊桃符。青春不染白髭鬚。

又

木犀花開不數日。謝去每恨不能挽。留迹得海上。方可作爐薰耐久。

醉裏驚從月窟來。睡餘如夢蕊宮迴。碧雲時度小崔嵬。疑是海仙憐我老。不論時節遣花開。從今休數返魂梅。

生查子

與客醉花下。落蕊忽墮酒盃中。

月姊倚秋風。香度青林杪。吹墮酒盃中。笑靨撩人小。薜蘿林萬事休。獨此情未了。醉裏又題詩。不覺花前

七

謝無逸

案謝無逸臨川人有溪堂集十卷溪堂詞一卷

菩薩蠻

暄風遲日春光鬧。蒲桃水碧搖輕棹。兩岸草煙低。青
山啼子規。歸來愁未寢。黛淺眉痕沁。花影轉廊腰。
紅添酒面潮。

南歌子

雨洗溪光淨。風吹柳帶斜。畫橋朱戶玉人家。簾外一
眉新月浸梨花。金鴨香凝袖。銅花燭映紗。鳳盤宮
錦小屏遮。夜靜寒生春笋理琵琶。

謁金門

樂府雅詞

卷下

三

簾外雨。洗盡楚鄉殘暑。白鷺影邊霞一縷。紺碧江天
暮。沉水煙橫香霧。茗盞淺浮瓊乳。卧聽鷓鴣啼竹
塢。竹風清院宇。

如夢令

花落鶯啼春暮。陌上綠楊飛絮。金鴨晚香寒。人在洞
房深處。無語無語。葉上數聲疎雨。

又

門外桃花流水。日暖杜鵑聲碎。蕃馬小屏風。一枕華
堂春睡。如醉如醉。正是困人天氣。

虞美人

碧梧翠竹交加影。角簾紗幙冷。疎雲淡月媚橫塘。一
陣荷花風起。入簾香。雁橫天末無消息。水閣吳山
碧。刺桐花上蝶翩翩。惟有夜涼清夢到郎邊。

又

角聲吹散梅梢雪。疎影黃昏月。落英點點拂闌干。風
送清香滿院。作輕寒。花姿羯鼓催行酒。紅袖摻纖
手。曲聲未徹寶盃空。飲罷香薰翠被錦屏中。

漁家傲

秋水無痕清見底。蓼花汀上西風起。一葉小舟煙霧
裏。蘭棹艤。柳條帶雨穿雙鯉。自嘆直鈞無處使。笛

樂府雅詞

卷下
講無逸

三

聲吹散雲山翠。鱗落霜刀紅縷細。新酒美。醉來獨枕
蓑衣睡。

清平樂

曉風殘角。月裏梅花落。宿酒醒時滋味惡。翠被輕寒
漠漠。夢回一點相思。遠山暗蹙愁眉。不覺肌膚瘦
玉。但知帶減腰圍。

驀山溪

霜清木落。深院簾櫳靜。池面捲煙波。瑩寒水。一奩明
鏡。修雲拂檻。疎翠晚嬋娟。水雲收。山霧斂。野水一作
江天迥。紅綃一作醉玉。酒面風前醒。簾幕護輕寒。

錦屏空。燻爐燼冷。星橫參昴。梅徑月黃昏。清夢覺淺
眉顰。照溪堂
詞改正 窗外橫疎影。

玉樓春

弄晴數點梅一作梨梢雨。門外畫橋寒食路。杜鵑飛破

草間煙。蛺蝶惹殘花底露。臂鞦紅錦鳴腰鼓。寒雁

影斜天上杜。案西溪詞云東君著意憐樊素一段韶華都付與二句不同粧成不

管露桃。喚舞罷從教風柳好。

武陵春

畫燭籠紗紅影亂。門外紫騮嘶。分破雲團月影虧。雪

浪皺清漪。捧椀纖纖春筍瘦。乳霧泛冰蕤。兩腋風

輕拂袖飛歸去。酒醒時。卷下
謝無逸

浪淘沙

料峭小桃風。凝澹春容。寶燈山列半天中。麗服靚裝

攜手處。語笑忽忽。酒滴小槽紅。一飲千鍾。金蓮擎

燭絳紗籠。歸去笙歌喧院落。月照簾櫳。

南鄉子

淺色染春衣。衣上雙雙小雁飛。袖捲藕絲寒玉瘦。彈

碁贏得花前酒。一卮。冰雪染胭脂。絳蠟香濃落日

西。唱徹陽關人欲去。依依醉眼橫波翠黛低。

醉落魄

霜砧聲急。蕭蕭疎雨梧桐濕。無言獨倚闌干立。簾捲黃昏一陣西風入。年時畫閣佳賓集。玉人檀板當筵執。銀瓶已斷絲繩汲。莫話前歡忍對屏山泣。

鵲橋仙

蝶飛煙草鶯啼雲樹。滿院垂楊口。溪堂詞作陰綠輕風飄盡杏花紅。更吹皺。口池面。穀溪堂詞作池波如穀珠簾日晚。銀屏人散。樓上醉橫雙溪堂詞作霜竹。一春若道不相思。緣底事。紅綃褪玉。

踏莎行

柳絮風輕。梨花雨細。春陰院落簾垂地。碧溪影裏小

樂府雅詞

卷下
謝無冤

三

橋橫。青帘市上孤煙起。鏡約關情。琴心破睡。輕寒

漠漠。侵鴛被。酒醒口。溪堂詞作霞散臉邊紅。夢回山蹙眉

間翠。

採桑子

楚山削玉雲中碧。影落沙汀。秋水澄凝。一抹江天雁字橫。金錢滿地西風急。紅蓼煙輕。簾外砧聲。驚起青樓夢不成。

江城子

一江秋水碧灣灣。繞青山。玉連環。簾幕低垂。人在畫屏間。閒抱琵琶尋舊曲。彈未了。意珊珊。飛鴻數點

拂雲端倚欄看。楚天寒。擬倩西風吹夢到長安。恰似
梨花春帶雨。愁滿眼。淚闌干。

鷓鴣天

桐葉成陰。柳書簷。清風涼處捲疎簾。紅綃舞袖縈腰
柳綠。玉眉心。媚臉蓮。愁滿眼。水連天。香牋小字倩
誰傳。梅黃楚岸垂垂雨。草碧吳江淡淡煙。

浣溪沙

樓閣簾垂乳燕飛。圓荷細點清漪。溪堂詞薰風破
夢晚涼時。玉軫琴邊蘭思遠。霜紈扇裏翠眉低。揉
藍衫子鬧蜂兒。

樂府雅詞

卷下
謝無逸

三

菩薩蠻

縠紋波面浮鵝鵝。蒲芽聳出參差碧。滿院落梅香。柳
梢初弄黃。衣輕紅袖皺。香溪堂詞困花枝瘦。睡起
玉釵橫。隔簾聞曉鶯。

鷓鴣天

葉林谷帶雨。愁滿銀鬢。因十
朝雲散。對暈春。天寒。綠香。風刺。楚。陸。陸。身。身。身。

朱希真

案朱敦儒字希真洛陽人有樵歌三卷

水龍吟

放船千里凌波去略爲吳山畱顧雲屯水府濤隨神
女九江東注北客蒼然壯心偏感年華將暮念伊嵩
舊隱巢由故友南柯夢遽如許回首妖氛未掃問
人間英雄何處奇謀報國可憐無用塵昏白羽鐵鎖
橫江錦帆衝浪孫郎良苦但愁敲桂櫂悲吟梁父淚
流如雨

念奴嬌

見梅驚笑問經年何處收香藏白似語如愁卻問我

樂府雅詞

卷下
朱希真

三五

何苦紅塵久客觀裏栽桃仙家種杏到處成疎隔千
林無伴淡然獨傲霜雪且與管領春回孤標爭肯
接雄蜂雌蝶豈是無情知受了多少淒涼風月寄驛
人遙和羹心在忍使芳塵歇東風寂寞可人誰爲攀
折

驀山溪

瓊蔬玉藥久寄清虛裏春到碧溪東下白雲尋桃問
李彈簧吹葉嬾傍少年場遺楚佩覓秦簫踏破青鞋
底河橋酒熟誰解畱儂醉兩袖拂飛花空一春淒
涼憔悴東風誤我滿帽洛陽塵喚飛鴻遮落日歸去

煙霞外。

清平樂

木

人間花少。菊小芙蓉老。冷淡仙人偏得道。買住西風

一笑。前身應是江梅。黃姑點破冰肌。只有暗香猶

在。飽參清似南枝。

案樵歌作飽參清露。蓋微全芳備。祖作參差清似南枝。

憶秦娥

西江碧。江亭夜燕天涯客。天涯客。一桮相屬。此夕何

夕。燭殘花冷歌聲急。秦關漢苑無消息。無消息。宮

樵歌樓吹角。故人難覓。

醉落托

樂府雅詞

卷下
朱希真

五

海山翠疊。夕陽殿雨雲堆雪。鷓鴣聲裏蠻花發。我共

扁舟江上。兩萍葉。東風落酒愁難說。誰教春夢分

胡越。碧城芳草應銷歇。曾識劉郎。惟有半灣月。

醜奴兒

一番海角凄凉夢。卻到長安。翠帳犀簾。依舊屏斜十

二山。玉人爲我調秦瑟。顰黛低鬟。雲散香殘。風雨

蠻溪半夜寒。

卜算子

江上見新年。年夜聽春雨。有箇人人領略春。粉淡紅

輕注。深勸玉東西。低唱黃金縷。撚底梅花總是愁。

酒盡人歸去。

採桑子

扁舟去作江南客。旅鴈孤雲。萬里煙塵。回首中原淚滿巾。碧山相映汀洲冷。楓葉蘆根。日落波平。愁損辭鄉去國人。

柳梢青

狂踪怪迹。誰料半老天涯爲客。帆展霜風。船隨江月。山寒波碧。如今著處添愁。怎忍看魚西鴈北。洛浦鶯花。伊川雲水。何如歸得。

減字木蘭花

樂府雜詞

卷下
朱希真

三

古人誤我。獨舞西風。雙淚墮。鶴去無蹤。木落西陵返照紅。人間難住。擲下酒杯何處去。樓鎖鐘殘。山北山南兩點煙。

又

劉郎已老。不管桃花依舊笑。要聽琵琶。重院鶯啼。覓謝家。曲終人醉。多似潯陽江上淚。萬里東風。國破山河落照紅。

鵲橋仙

嫦娥怕鬧。銀蟾傳令。且與遮鬢翳。鳳直須人睡。俗塵清放。雲漢水輪徐動。山翁散髮。披衣松下。琴奏瑤

池三弄。曲終鶴警露華寒。笑濁世饒伊做夢。

又

竹西散策。花陰圍坐。可恨來遲幾日。披香不覺玉壺空。破酒面飛紅半濕。悲歌醉舞。九人而已。總是天涯倦客。東風吹淚。故園春問我輩。何時去得。

鷓鴣天

曾為梅花醉不歸。佳人挽袖乞新詞。輕紅遍寫鴛鴦帶。濃碧爭斟翡翠卮。人已老。事皆非。花前不飲淚沾衣。如今但欲關門睡。一任梅花作雪飛。

又

樂府雅詞

卷下 朱希真

美

唱得梨園絕代聲。前朝惟數李夫人。自從驚破霓裳後。楚奏吳歌扇裏新。秦嶂雁。越溪砧。西風北客兩飄零。樽前忽聽當時曲。側帽停杯淚滿襟。

感皇恩

曾醉武陵溪。竹深花好。玉珮雲環共春笑。主人好事。坐客雨中風帽。日斜青鳳。原本作鸞誤。舞金樽倒。歌斷渭城。月沉星曉。海上歸來故人少。舊遊重到。但有夕陽荒草。恍然真一夢。人空老。

相見歡

東風吹盡江梅。橘花開。舊日吳王宮殿。長青苔。今

古事英雄淚。老相催。常恨夕陽西去晚潮迴。

木蘭花慢

折芙蓉。弄水動玉珮。起秋風。正柳外閒雲。溪頭淡月。映帶疎鐘。人間厭謫墮久。恨蜺旌未返碧樓空。直與時人度日。自憐懷抱誰同。當時種玉五雲東。露冷夜耕龍。念瑞草成畦。瓊蔬未採。人照衰容。誰知素心未已。望青都絳闕有無中。寂寞歸來隱處。夢聽帝樂融融。樵歌作隱。凡落聽長樂晨鐘。

樂府雅詞

卷下
朱希真

五

木蘭花慢

古事英雄淚。老相催。常恨夕陽西去晚潮迴。

沈文伯 案沈會宗字文伯

滿庭芳

柳與堤迴橋隨波湖一作轉望中如在蓬萊水禽高下
煙霧歛還開認是仙翁住處都不見一點塵埃壺天
晚清寒帶雪光景自徘徊高才廊廟手當年平步
直到堯堦况今朝調鼎尤待鹽梅只恐身閒不久難
畱戀花月樓臺看新歲春風且送五馬過江來

又

雪底尋梅水痕觀水晚來天氣尤寒漸聞歌笑輕暖
發春妍賞盡十洲新景依稀見三島風煙判深夜一

樂府雅詞

卷下 沈文伯

早

年月色只是這般一作圓熙然千里地何妨載酒

頻上湖船况坐中高客不日朝天須信人間好處沒
箇事勝得樽前東風近侵尋桃李別做醉筍緣

又

疎木藏鐘輕煙籠角幾家簾幕燈光暮砧聲斷空壁
鎖寒蟬入袂西風陣陣徹醉骨都不勝涼欄杆外依
稀嫩竹月色冷如霜仙鄉何處是雲深路杳不念
劉郎但畫橋流水依舊垂楊要見時時便是一向價
只作尋常爭知道愁腸淚眼獨自箇重陽

臨江仙

沈文伯

過盡清明三月雨。東風才到溪濱。畫工傳得已非真。
青君著意處。桃李未爲春。倚檻盈盈如欲語。就中
拈足花神。自然亭館一番新。從今觀絕品。不獨洛陽
人。

夢玉人引

舊追遊處。思前事。儼如昔。過盡鶯花。橫雨暴風初息。
杏子枝頭。又自然。別是般天色。好傍垂楊。繫畫舫橋
側。小歡幽會。一霎時。光景也堪惜。對酒當歌。故人
情分難覓。水遠山長。不成空相憶。這歸去重來。又卻
是幾時來得。

樂府雅詞

卷下
沈文伯

四

驀山溪

想伊不住。船在藍橋路。別語未甘聽。更擬一作問而
今是去。門前楊柳。幾日轉西風。將行色。欲畱心。忽忽
城頭鼓。一番幽會。只覺添愁緒。邂逅卻相逢。又還
有此時歡否。臨歧把酒。莫惜十分斟。樽前月。月中人。
明夜知何處。

漢宮春

別酒初醒。似一番夢覺。屈指堪驚。猶疑送消寄息。遇
著人聽。當初喚作。據眼前。略看承。及去了。從頭想
在。心下始覺寧寧。黃昏畫角重城。更傷高念遠。懷

抱何勝。良時好景，算來半爲愁生。幽期暫阻，便一作就中月白風清。千萬計年年，斷除不得，是這些情。

尋梅

今年早覺花信蹉，想芳心未應誤我。一月小徑幾回過，始朝來尋見，雪痕微破。眼前大抵情無那，好景色只消些箇。春風爛熳，卻且可是而今枝上，一作三朶兩朶。

不見

卽古意
仙姿

日過重簾未捲，裊裊欲殘香線。午醉卻醒來，柳外一聲鶯轉。不見不見，門掩落花深院。

樂府雅詞

卷下
沈文伯

望

又

迴首蕪城舊苑，還是綠深紅淺。春意已無多，斜日滿簾飛燕。不見不見，花上雨來風轉。

訴衷情

深深院宇小池塘，一徑碧梧長。青春又歸何處，新笋綠成行。多少事，惱人腸，懶思量。香消一炷，睡起雲時，日過東牕。

菩薩蠻

相逢無處無樽酒，樽前未必皆朋舊。酒到任教傾，莫思今夜醒。明朝相別後，江上空迴首。欲去不勝情。

爲君歌數聲。

又

春城迤邐層陰遶。青梅競弄枝頭小。江色雨和煙。行人江那邊。好花都過了。滿地空芳草。落日醉醒間。一春無此寒。

小重山

花過園林清蔭濃。琅玕新脫箨。綠叢叢。雨聲只在小池東。閑欹枕。直面芰荷風。長日敞簾櫳。輕塵飛不到。畫堂空。一樽今夜與誰同。人如玉。相對月明中。

轉調蝶戀花

樂府雅詞

卷下
沈文伯

聖

谿上清明初過雨。春色無多。葉底花如許。輕暖時間燕雙語。等閑飛入誰家去。短牆東畔新朱戶。前日花前把酒人。何處髣髴橋邊船上路。綠楊風裏黃昏鼓。

又

漸近朱門香夾道。一片笙歌。依約樓臺杪。野色和煙滿芳草。溪光曲曲山迴抱。物華不逐人問老。日日春風在處花。枝好莫恨雲深路難到。劉郎可惜歸來早。

陳子高

案陳克字子高臨海人有赤城詞一卷

臨江仙

枕帳依依殘夢齋房忽忽餘醒薄衣團扇繞階行曲
闌幽樹看得綠成陰簷雨爲誰疑咽林花似我飄
零微吟休作斷腸聲流鶯百轉解道此時情

又

四海十年兵不解胡塵直到江城歲華銷盡客心驚
疎鬢渾似雪衰涕欲生冰送老蘼鹽何處是我緣
應在吳興故人相望若爲情別愁深夜雨孤影小窗

樂府雅詞

卷下
陳子高

漁家傲

寶瑟塵生郎去後綠窗閑卻春風手淺色宮羅新染
就晴時後裁縫細意花枝鬪象尺熏爐移永晝粉
香氎浥薔薇透晚鏡看來渾似舊沉吟久箇儂爭得
知人瘦

攤破浣溪沙

鬆慢梳頭淺畫眉亂鶯殘夢起多時不道小庭花露
濕翦餘醺簾額好風低燕子窗油晴日打蜂兒翠
袖粉淺閒弄筆寫新詩

浣溪沙

淺畫香膏拂紫綿。牡丹花重翠雲偏。手按梅子並郎
肩。病起心情終是怯。困來模樣不禁憐。旋移鍼線
小窗前。

又

香霧空濛墮彩蟾。傾城催映出重簾。口口銀燭夜厭
厭。何物與儂供醉眼。半黃梅子帶紅鹽。粉融香潤
玉纖纖。

又

淡墨花枝掩薄羅。嫩藍裙子窳湘波。水晶新樣碾風
荷。問著似羞還似惡。惱來成笑不成歌。芙蓉帳裏

樂府雅詞

卷下
陳子高

墨

奈君何

又

短燭熒熒照碧窗。重重簾幙護梨霜。幽歡不怕夜偏
長。羅襪鈿釵紅粉醉。曲屏深幔綠橙香。征鴻離遠
斷人腸。

又

小院春來百草青。拂墻桃李已飄零。絕知春意總無
憑。盧女嫁時終薄命。徐娘身老謾多情。洗香吹粉
轉娉婷。

又

窗紙幽幽不肯明。寒更忍作斷腸聲。背人殘燭卻多情。合下心期唯有夢，如今魂夢也無憑。幾行閑淚莫縱橫。

謁金門

花滿院。飛去飛來雙燕。紅雨入簾寒不卷。曉屏山六扇。翠袖玉笙悽斷。脈脈兩蛾愁淺。消息不知郎近遠。一春長夢見。

又

柳絲碧。柳下人家寒食。鶯語匆匆花寂寂。玉堦春蘚濕。閑凭薰籠無力。心事有誰知得。檀炷繞窗燈背。

樂府雅詞

卷下
陳子高

里六

壁。畫簷殘雨滴。

又

深院靜。塵暗曲房淒冷。黃葉滿階風不定。無端吹酒醒。露濕小園幽徑。悄悄啼姑相應。半被餘薰殘燭影。夜長人獨冷。
重押冷
字韻

又

春漏促。誰見兩人心曲。罨畫屏風銀蠟燭。淚珠紅蔌蔌。懊惱歡娛不足。只許夢中相逐。今夜月明何處宿。畫橋春水綠。

又

春草碧。憶著去年寒食。白紵紅裙香口口。折花閑調
客。好在江南江北。燕子不傳消息。醉眼騰騰羞面
赤。斷腸儂記得。

又

羅帳薄。縹緲綺疏飛閣。紅地團花金解絡。香囊垂四
角。盡日春風簾幙。誰見綠屏纖弱。雲壓枕函釵自
落。無端春夢惡。

又

愁脈脈。目斷江南江北。煙樹重重芳信隔。小樓山幾
尺。細草孤雲斜日。一向弄晴天色。簾外落花飛不

樂府雅詞

卷下
陳子高

望

得東風無氣力。

又

春寂寂。綠暗溪南溪北。溪水沉天一色。鳥飛春樹
黑。隔斷小樓吹笛。醉裏看朱成碧。愁滿眼前遮不
得。可憐雙鬢白。

虞美人

踏青不用青裙女。日夜歌聲苦。風流墨綬強躋攀。喚
起潛蛟飛舞。破天慳。公庭休更重門掩。細聽催詩
點。一尊已詠北窗風。卧看雪兒纖手剝蓮蓬。張宰祈
雨有感

又

小山戢戢盆池淺。芳樹陰陰轉。一作紅闌干上刺薔薇。蝴蝶飛來飛去兩三枝。繡裙斜立腰肢困。翠黛縈新恨。風流蹤跡使人猜過了。鬪鷄時節合歸來。

又

綠陰滿院簾垂地。落絮縈香砌。池光不定藥闌低。閉
並一雙鷓鴣沒人時。舊歡黯黯成幽夢。帳捲金泥
重。日虹斜處暗塵飛。脈脈小窗孤枕鏡花移。

菩薩蠻

柳條窈窕閑庭院。錦波繡浪春風轉。紅日上闌干。晚
來花更寒。綠檀金隱起。翠被香煙裏。幽恨有誰知。

樂府雅詞

卷下
陳子高

吳

空梁落燕泥。

又

赤欄橋盡香街直。籠街細柳嬌無力。金碧上空空。花
晴簾影紅。黃衫飛白馬。日日青樓下。醉眼不逢人。
午香吹暗塵。

又

池塘淡淡浮鷓鴣。杏花吹盡垂楊碧。天氣度清明。小
園新雨晴。綠窗描繡罷。笑語醪醑下。圍坐賭青梅。
困從雙臉來。

又

綠蕪牆遶青苔院。中庭日淡芭蕉卷。蝴蝶上階飛。烘
簾自在垂。玉鈎雙語燕。寶瑟楊花轉。幾處簷錢聲。
綠窗春睡輕。

又

柳條到地鶯聲滑。鴛鴦睡穩清溝濶。九曲轉朱闌。花
深人對閒。日長刀尺罷。試履櫻桃下。鬢髻玉釵風。
雲輕線腳紅。

又

綠陰寂寂櫻桃下。盆池劣照薔薇架。簾影假山前。映
堦紅葉翻。芭蕉籠碧砌。獨子中庭睡。香徑沒人來。
拂墻花又開。

樂府雅詞

卷下
陳子高

晃

點絳脣

曲陌春風。誰家姊妹同墻看。映花烘燠。困入茸茸眼。
細馬輕衫。倚醉偷回面。垂楊轉。墜鞭郭扇。白地肝
腸斷。

好事近

尋徧石亭春。黯黯暮山明滅。竹外小溪深處。倚一枝
寒月。淡雲疎雨苦無情。得折便須折。醉帽鳳鬟歸
去。有餘香愁絕。

千秋歲

柏舟高躡。晚歲宜遐福。門戶壯疏湯沐。青袍圍白髮。
端錦縹犀軸。仙桂長交柯。卻映蟠桃熟。縹緲長江
曲。入破口簫逐香霧滿飛華屋。玉鈞涼月掛水麝芙
蓉。稷千萬壽酒中倒卧南山綠。

鷓鴣天

禁瘳餘寒酒半醒。蒲萄力軟被愁侵。鯉魚不寄江南
信。綠盡菖蒲春水深。疑夢斷。愴離襟。重簾複幙靜
愔愔。赤闌干外梨花雨。還是去年寒食心。

又

芳樹陰陰脫晚紅。餘香不斷玉釵風。薄情夫婿花相

樂府雅詞

卷下
陳子高

五

似一片西飛一片東。金翡翠繡芙蓉。從教織媚笑
牀空。揉藍衫子休無賴。只與離人結短封。

又

小市橋彎更向東。便門長記舊相逢。踏青會散鞦韆
下。髻影衣香怯晚風。悲往事。向孤鴻。斷腸腸腸斷舊
情濃。梨花院落落黃茅店。繡被春寒此夜同。

豆葉黃

粉墻丹桂柳絲中。簾箔輕明花影重。午醉醒來一面
風。綠忽忽。幾顆櫻桃葉底紅。

又

樹頭初日鷓鴣鳴。野店山橋新雨晴。短褐無泥竹杖輕。水泠泠。梅片飛時春草青。

又

鞦韆人散小庭空。麝冷燈昏愁殺農。獨有閑堦兩袖風。月朧朧。一樹梨花細雨中。

樂府雅詞

卷下
陳子高

至

趙子發

案趙君舉字子發

鷓鴣天

約畧應飛白玉槃。明樓漸放滿輪寒。天垂萬丈清光外。人在三秋爽氣間。聞葉吹。想風鬟。浮空彷彿女乘鸞。此時不合人間有。盡入嵩山靜夜看。

洞仙歌

荒山明月下有雲來去。深夜織毫靜可數。問古今底事。畱此空光。脩月戶。猶是當年玉斧。思君持羽扇。來伴微吟。水珮風環飲松露。待勾漏丹成。約與輕飛人間世。不知歸處。更長嘯餘聲。振林谿。見亂紅驚飛。

樂府雅詞

卷下
趙子發

五

半崑花雨

桃源憶故人

芳菲已有東風露。寒著輕羅未去。午夜鸞車鶴馭。散入千蓮步。粉香度曲嬉遊女。草草相逢無處。腸斷淚零無數。洒作花稍雨。

浣溪沙

疎蔭搖搖越岸移。驚鷗點點過帆飛。船分水打嫩沙回。斷夢不知人去處。卷簾還有燕來時。日斜風緊轉灣西。

南歌子

天末疑無路。波翻欲御風。此身忽在玉壺中。醉倒不知南北與西東。獵獵遙鳴草颿颿。靜打篷。與君回。擢碧雲濃。不是思歸。只爲酒船空。

又

人有緜蘭佩。雲無出岫心。扁舟來入碧濤深。坐見楚咻兒女變齊音。但醉雙餅玉。從渠六印金。此時何處可幽尋。風定津頭。白日照平林。

點絳脣

野岸孤舟。斷橋明月穿流水。鴈聲嘹唳。雙落行人淚。去歲吾家。曾插黃花醉。今那是。杖藜西指。看卽成千里。

樂府推詞

卷下
趙子發

五

千里

虞美人

飛雲流水來無信。花發年年恨。小桃如臉柳如眉。記得那人模樣。舊家時。樓高映步拖金縷。香濕黃昏雨。如今不見欲憑書。門外水平波煖。一雙魚。

惜分飛

數點雨聲驚殘暑。簾外秋光容與。重換熏爐炷。漸低羅幙。香成霧。今夜夜涼情幾許。莫向屏山取。取上字疑。卻笑陽臺女。楚人空口高唐賦。

阮郎歸

馬蹄踏月響空山。梅生煙壑寒。水妃去後淚痕乾。天
風吹珮蘭。紉香久怕花殘。與君聊據鞍。一枝欲寄
北人看。如今行路難。

樂府雅言

卷下
趙子發

五

詞苑叢書卷之五

曹元寵

案曹組字元寵，穎昌人，有箕穎集二十卷。

點絳脣

詠御射

秋勁風高，暗知斗力添弓面。靶分筠幹。月到天心滿。
白羽流星飛上黃金盃。胡沙鴈雲邊驚散。壓盡天山箭。

又

疎柳殘蟬。助人離思，斜陽外。淡煙疎靄。節物隨時一作愁。水已無情，風更無情。蘭舟解。水流風快。回首人何在。

又

樂府雅詞

卷下
曹元寵

五

密炬高烧，寶刀時翦。金花碎。照人歡醉也。照人無睡。待得灰心，陪盡千行淚。籠紗裏。夜涼如水。猶喜長成對。

如夢令

門外綠陰千頃。兩兩黃鸝相應。睡起不勝情。行到碧梧金井。人靜人靜。風動一枝花影。

撲蝴蝶

案一名撲蝴蝶，近有七十七字，有七十五字，趙師俠詞與此同。幸容易三字屬前段，惟呂渭老以三字屬後段。下四字一句較曹趙詞多兩字，邵叔齊及無名氏皆然，或別為一體，故名撲蝴蝶，近也。

人生一世，思量爭甚。底花開十日，已隨塵共水。且看

欲盡花枝未厭傷。多酒蓋何須細推物理。幸容易。
有人爭奈。只知名與利。朝朝日日。忙忙劫劫。地待得。
一晌閑時。又卻三春過了。何如對花沉醉。

憶少年

年時酒伴。年時去處。年時春色。清明又近也。卻天涯。
爲客。念過眼光陰難再得。想前歡。盡成陳迹。登臨。
恨無語。把闌干口拍。一本拍字上空
一字詞譜作陪

驀山溪

護霜雲際。遠日明芳樹。一作洗妝真態
不在鉛華御竹外一枝斜。

想佳人天寒日暮。黃昏小院無處著。清香風細細。雪

樂府雅詞

卷下

五

垂垂。何況江頭路。月邊疎影。夢到銷魂處。結子欲

黃時。又須作廉纖細雨。孤芳一世。供斷有情愁。銷瘦。
損。東陽也。試問花知否。

又

草薰風暝。樓閣籠輕霧。牆短出花梢。映誰家綠楊朱。
戶。尋芳拾翠。綺陌自青春。江南遠。踏青時。誰念方羈。
旅。昔遊如夢。空憶橫塘路。羅袖舞臺風。想桃花依。
然舊樹。一懷離恨。滿眼欲歸心。山連水。水連雲。悵望。
人何處。

相思會

人無百年人剛作千年調待把門闌鐵鑄鬼見失笑
多愁早老惹盡閑煩惱我醒也枉勞心設計較
衣淡飯羸取暝和飽住箇宅兒只要不大不小常教
潔淨不種閒花草據見定一作樂平生便是神仙了

品令

乍寂寞簾櫳靜夜久寒生羅幙窗兒外有箇梧桐樹
早一葉兩葉落獨倚屏山欲寐月轉驚飛鳥鵲促
織兒聲響雖不大敢教賢睡不著

小重山

簾捲東風日射窗小山庭院靜接回廊疎疎晴雨弄

樂府雅詞

卷下
曹元寵

五

斜陽憑欄久牆外杏花香時節好尋芳多情懷酒
伴憶懽狂歸鴻應已度瀟湘音書杳前事忍思量

又

陌上花繁鶯亂啼驛驪金絡腦錦障泥尋芳行樂憶
當時聯鑣處飛鞚綠楊堤春物又芳菲情如風外
柳只依依空憐佳景負歸期愁心切惟有夢魂知

青玉案

碧山錦樹明秋霽路轉陡疑無地忽有人家臨曲水
竹籬茅舍酒旗沙岸一簇成村市淒涼只恐鄉心
起鳳樓遠回頭謾疑睇何處今宵孤館裏一聲征雁

半窗殘月總是離人淚

鷓鴣天

輦路熏風起綠槐。都人疑望滿天街。雲韶杳杳鳴鞘
蕭芝蓋。亭亭障扇開。微雨過絕纖埃。內家車子走
輕雷。千門不敢垂簾看。總上銀鈞等駕來。

漁家傲

水上落紅時片片。江頭雪絮飛繚亂。渺渺碧波天漾
遠。平沙暝。花風一陣蘋香滿。晚來醉著無人喚。殘
陽已在青山半。睡覺只疑花改岸。擡頭看。元來弱纜
風吹斷。

樂府雅詞

卷下
曹元寵

要

阮郎歸

簷頭風珮響丁東。簾疎燭影紅。軟艷人散月溶溶。樓
臺花氣中。春酒醒。夜寒濃。繡衾誰與同。只愁夢短
不相逢。覺來羅帳空。

臨江仙

青瑣窗深紅獸喚。燈前共倒金尊。數枝梅浸玉壺春。
雪明渾似曉。香重欲成雲。戶外馬嘶催客起。席間
歡意畱人。從他微霰落紛紛。不妨吹酒面。歸去醒餘
醺。

鷓鴣天

淺笑輕顰不在多。遠山微黛接橫波。情吞醴醖千鍾酒。心醉飛瓊一曲歌。人欲散。奈愁何。更看朱袖拂雲和。夜深醉墨淋漓處。書遍香紅擁項羅。

青門飲

山靜煙沉岸空潮落。晴天萬里。飛鴻南渡。冉冉黃花翠翹。金鈿還是倚風凝露。歲歲青門飲盡龍山高陽儔侶。舊賞成空。回首舊遊人在何處。此際誰憐萍泛空自感光陰。暗傷羈旅。醉裏悲歌。夜深驚夢無奈。原本空二字。別本補。別本有。覺來情緒孤館昏還曉。厭時聞南樓鐘鼓。但字有。淚眼臨風腸斷望中歸路。

樂府雅詞

卷下
曹元寵

五

青玉案

田園有計歸須早。在家縱貧亦好。南來北去。一作南去北來何日了。光陰送盡可憐青鬢。暗逐流年老。寂寥孤館殘燈照。鄉思驚時夢。初覺落月蒼蒼關河曉。一聲鷄唱。馬嘶人起。又上長安道。

好事近

萌舍竹籬邊。雀噪晚枝時節。一陣暗香飄處。已難禁。愁絕。江南得地故先開。不待有飛雪。腸斷幾回山路。恨無人攀折。

醉花陰

九陌寒輕春尚早。燈火都門道。月下步蓮人。薄薄香羅峭。窄春衫小。梅粧淺淡風蛾裊。隨路聽嬉笑。無限面皮兒。雖則不同。各是一般好。

點絳脣

小小朱橋柳邊人。過橫塘路。細風時度。浪痕痕去。草軟沙平。穩襯尋幽步。口口處。亂紅飛舞。回首春城暮。

又

雲透斜陽半樓紅。影明窗戶。暮山無數。歸鴈愁還去。十里平蕪。花遠重重樹。空凝竚。故人何處。可惜春

樂府雅詞

卷下

曹元寵

辛

將暮

又

沉醉歸來洞房燈火閑。相照夜寒猶峭。信意和衣倒。春夢雖多。好夢長長少。紗窗曉。風幃人悄。花外空啼鳥。

水龍吟

丹牡

曉天穀雨晴時。翠羅護日輕煙裏。醱醱徑暎。柳花風淡。千葩濃麗。三月春光。上林池館。西都花市。看輕盈隱約。何須解語。凝情處。無窮意。金殿筠籠歲貢。最姚黃。一枝嬌貴。東風旣與。花王芍藥。須爲近侍。歌舞

筵中滿裝歸帽。斜簪雲髻。有高情未已。齊燒絳蠟。向闌邊醉。

聲聲慢

重簷飛峻。麗綵橫空。繁華壯觀。都城雲母屏開。八面人在青冥。凭闌瑞煙深處。望阜居遙。識蓬瀛。回環閣道。五花相鬪。壓盡旗亭。歌酒長春不夜。金翠照羅綺。笑語盈盈。陸海人山。輻輳萬國歡聲。登臨四時總好。况花朝。月白風清。豐年樂歲。熙熙且醉太平。

蝶戀花

簾捲真珠深院靜。滿地槐陰。鏤日如雲影。午枕花前

樂府雅詞

卷下
曹元寵

空

清思凝象牀。冰簟光相映。過面風情如酒醒。沉水瓶寒帶縷。來金井。滌盡煩襟無睡興。闌干六曲還重凭。

浣溪沙

柳絮池臺淡淡風。碧波花岫小橋通。雲連麗宇倚晴空。芳草綠楊人去住。短墻幽徑燕西東。攀條弄蕊得從容。

點絳脣

飯水

霜落吳江。萬畦香稻來場圃。夜村黍草。屋寒燈雨。玉粒長腰。沉水溫溫注。相畱住。共抄雲子。更聽歌

聲度


又

一片南雲定知來做巫山雨歌聲纔度只向風中住
惱亂襄王無限牽情處長天暮又還飛去目斷陽
臺路

樂府雅詞

卷下
曹元寵

空



詞

聲

魏夫人

案魏夫人曾文肅布之室紉之母封魯國夫人

好事近

雨後晚寒輕。花外早鶯啼歇。愁聽隔溪殘漏。正一聲
嗚咽。不堪西望去程賒。離腸萬回結。不似海棠陰
下。按涼州時節。

阮郎歸

夕陽樓外落花飛。晴空碧四垂。去帆回首已天涯。孤
煙捲翠微。樓上客鬢成絲。歸來未有期。斷魂不忍
下危梯。桐陰月影移。

減字木蘭花

樂府雅詞

卷下
魏夫人

室

西樓明月掩映梨花千樹雪。樓上人歸愁聽孤城一
雁飛。玉人何處。又見江南春色暮。芳信難尋。去後
桃花流水深。

又

落花飛絮杳杳天涯人甚處。欲寄相思春盡衡陽雁
漸稀。離腸淚眼。腸斷淚痕流不盡。明月西樓。一曲
欄干一倍愁。

菩薩蠻

溪山掩映斜陽裏。樓臺影動鴛鴦起。隔岸兩三家。出
牆紅杏花。綠楊堤下路。早晚溪邊去。三見柳綿飛。

離人猶未歸。

又

東風已綠瀛洲草。畫樓簾捲清霜曉。清絕比湖梅。花開未滿枝。長天音信斷。又見南歸雁。何處是離愁。長安明月樓。

又

紅樓斜倚連溪曲。樓前溪水疑寒玉。蕩颺木蘭船。船中人少年。荷花嬌欲語。笑入鴛鴦浦。波上暝煙低。菱歌月下歸。

定風波

樂府雜詞

卷下
魏夫人

十四

不是無心惜落花。落花無意戀春華。昨日盈盈枝上笑。誰道今朝吹去落誰家。把酒臨風千種恨。難問。夢回雲散見無涯。妙舞清歌誰是主。回顧。高城不見夕陽斜。

點絳脣

波上清風。畫船明月人歸後。漸銷殘酒。獨自凭闌久。聚散匆匆。此恨年年有。重回首。淡煙疎柳。隱隱蕪城漏。

武陵春

小院無人簾半捲。獨自倚欄時。寬盡春來金縷衣。憔悴

醉有誰知。玉人近日書來少。應是怨來遲。夢裏長安早晚歸。和淚立斜暉。

樂府雜詞

卷下
魏夫人

室

安早歸。玉人近日書來少。應是怨來遲。夢裏長安早晚歸。和淚立斜暉。

安早歸。

玉人近日書來少。應是怨來遲。夢裏長安早晚歸。和淚立斜暉。

李易安

案李清照字易安濟南人李格非之女趙明誠之室有漱玉詞一卷

南歌子

天上星河轉。人間簾幕垂。涼生枕簟淚痕滋。起解羅衣。聊問夜何其。翠貼蓮蓬小。金銷藕葉稀。舊時天氣舊時衣。只有情懷。不似舊家時。

轉調滿庭芳

芳草池塘綠陰。庭院晚晴寒透。窗紗。金鎖管是客來。吵寂寞樽前。席上惟。口口海角天涯。能留否。餘釀落盡。猶賴有。口口當年會勝。賞生香薰袖。活火分茶。口口龍嬌馬。流水輕車。不怕風狂雨驟。恰才稱煮酒。殘花如今也。不成懷抱。得似舊時那。

樂府雅詞

卷下
李易安

空

漁家傲

天接雲濤連曉霧。星河欲轉千帆舞。髣髴夢魂歸帝所。聞天語。殷勤問我歸何處。我報路長嗟日暮。學詩謾有驚人句。九萬里風鵬正舉。風休住。蓬舟吹取三山去。

如夢令

常記溪亭日暮。沉醉不知歸路。興盡晚回舟。誤入藕花深處。爭渡爭渡。驚起一灘鷗鷺。

又

昨夜雨疎風驟。濃睡不消殘酒。試問捲簾人。卻道海棠依舊。知否。知否。應是綠肥紅瘦。

多麗 詠白菊

小樓寒夜長。簾幕低垂。恨蕭蕭無情風雨。夜來揉損瓊肌。也不似貴妃醉臉。也不似孫壽愁眉。韓令偷香徐娘傅粉。莫將比擬。未新奇。細看取。屈平陶令。風韻正相宜。微風起。清芬醞藉。不減酴醿。漸秋闌。雪清玉瘦。向人無限依依。似愁凝。漢皇解佩。似淚洒。紈扇題詩。朗月清風。濃煙暗雨。天教憔悴度芳姿。縱愛惜。不知從此。畱得幾多時。人情好。何須更憶。澤畔東籬。樂府雅詞

卷下 李易安

空

菩薩蠻

風柔日薄春猶早。夾衫乍著心情好。睡起覺微寒。梅花鬢上殘。故鄉何處是。忘了除非醉。沉水卧時燒。香消酒未消。

又

歸鴻聲斷殘雲碧。背窗雪落爐煙直。燭底鳳釵明。釵頭人勝輕。角聲催曉漏。口口回牛斗。春意看花難。西風畱舊寒。

浣溪沙

莫許盃深琥珀濃。未成沉醉意先融。口口已應晚來

風來瑞腦香消魂夢斷碎寒金小髻鬢鬆醒時空對
燭花紅

又

小院閑窗春色深重簾未捲影沉沉倚樓無語理瑤
琴遠岫出山催薄暮細風吹雨弄輕陰梨花欲謝
恐難禁

又

淡蕩春光寒食天玉爐沉水裊殘煙夢回山枕隱花
鈿海燕未來人鬪草江梅已過柳生綿黃昏疎雨
濕秋干

樂府雅詞

卷下
李易安

空

鳳凰臺上憶吹簫

香冷金猊被翻紅浪起來人未別本作慵自梳頭任寶奩
閒掩日上簾鉤生怕閒愁暗恨多少事欲說還休今
年瘦非干病酒不是悲秋明朝別本作休休這回去也

千萬遍陽關也卽難留念武陵春晚雲鎖重樓記取
樓前綠水應念我終日凝眸凝眸處從今更數幾段
別本作更添一段
新愁

一翦梅

紅藕香殘玉簟秋輕解羅裳獨上蘭舟雲中誰寄錦
書來雁字回時月滿西一本無樓花自飄零水自

流一種相思兩處閑愁。此情無計可消除。纔下眉頭，卻上心頭。

蝶戀花

淚濕羅衣脂粉滿。四疊陽關，唱到千千遍。人道山長山又斷。蕭蕭微雨聞孤館。惜別傷離方寸亂。忘了臨行酒盞深和淺。好把音書憑過鴈。東萊不似蓬萊遠。

又

暝雨晴風初破凍。柳眼梅腮，已覺春心動。酒意诗情誰與共。淚融殘粉花鈿重。乍試夾衫金縷縫。山枕

樂府雅詞

卷下
李易安

充

斜欹枕損釵頭鳳。獨抱濃愁無好夢。夜闌猶翦燈花弄。

鷓鴣天

寒日蕭蕭上鎖窗。梧桐應恨夜來霜。酒闌更喜團茶苦。夢斷偏宜瑞腦香。秋已盡，日猶長。仲宣懷遠更淒涼。不如隨分尊前醉。莫負東籬菊蕊黃。

小重山

春到長門春草青。江梅些子破未開。勻碧雲籠碾玉成塵。畱曉夢驚破一甌春。花影壓重門。疎簾鋪淡月好黃昏。二年三度負東君。歸來也。著意過今春。

怨王孫

湖上風來波浩渺。秋已暮。紅稀少。水光山色與人親。說不盡無窮好。蓮子已成荷葉老。清露洗蘋花汀草。眠沙鷗鷺不回頭。似也恨人歸早。

臨江仙

庭院深深深幾許。雲窗霧閣常扃。柳梢梅萼漸分明。春歸秣陵樹。人客建安城。感月吟風多少事。如今老去無成。誰憐憔悴更彫零。試燈無意思。踏雪沒心情。

醉花陰

薄霧濃雲愁永晝。瑞腦銷金獸。佳節又重陽。玉枕紗厨。半夜涼初透。東籬把酒黃昏後。有暗香盈袖。莫道不銷魂。簾捲西風人似黃花瘦。

好事近

風定落花深。簾外擁紅堆雪。長記海棠開後。正是傷春時節。酒闌歌罷玉樽空。青釭暗明滅。魂夢不堪幽怨更一聲啼鴂。

訴衷情

案情有單調有雙調此詞名訴衷情令一名漁父家風張九幹嚴仁

夜來沉醉卸粧遲。梅萼插殘枝。酒醒熏破。惜春夢遠。

又不成歸。人悄悄，月依依。翠簾垂。更按殘藥，更撚餘香，更得些時。案：訴衷情有單調有雙調，皆與此詞不同。惟訴衷情令相合，但前段第三句六字，第四句五字，此詞前段五句，下三句皆作四字一句，較譜多一字，或傳寫誤增，或當時本有此體。然宋人皆無此填者，附注俟攷。

行香子

草際鳴蛩，驚落梧桐。正人間、天上愁濃。雲階月地，關鎖千重。縱浮槎來，浮槎去，不相逢。星橋鵲駕，經年纔見。想離情、別恨難窮。牽牛織女，莫是離中。甚霎兒晴，霎兒雨，霎兒風。

樂府雅詞

卷下
李易安

七

樂府雅詞卷下終

